

意

林

意林卷五

唐林風馬

總之六 撰編

周生烈子五卷

序云六蔽鄙夫燉煌周生烈字文逸張角敗後天下潰
 亂哀苦之間故著此書以堯舜作幹植仲尼作師誠
 御馬失節其車是碎御天下失節四海失墜桀紂是湯
 武之梯秦項是大漢之階四逆不興則四順不昇
 賢哲不可以色貌誘之猶張羅恆鳳施穿誘麟伯樂相
 馬取之于瘦聖人相士取之于疎

意林此條在周
 生子五卷下空
 一格

聽訟不如使勿訟善斷不如使勿亂

理天綱杖八柄運元象撮衆有者天子也撫人物參天
意者三公也執分節事修理者士也

臨死修善于計已晚事迫乃歸于救已微

有階者易成基無因者難成時

鳩傳隼翼羔披豹皮類似質違表是裏非

人者天之舌物者神之口天高地厚報應故晚辭者主
之弓弩教者君之機關

矜賞若春重罰若秋行禮若火流教若水

李本此條在
中鑿五篇下
亦一格

讓一得百爭十失九

荀悅申鑒五卷

序云夫道本仁義五經以經之羣籍以緯之前鑿既明
今又申之故曰申鑒

君臣親而有禮百官和而不同此治國之風也禮俗不
一庶人作議此衰國之風也君臣爭盟大夫爭名此乖
國之風也上多欲下多端法不定政多門此亂國之風
也以割下作能附上作忠此叛國之風也小臣爭寵大
臣爭權此害國之風也上不訪下不諫婦言用內政行

此亡國之風也

善禁者先禁身而後人不善禁者先禁人而後身

三曰致武事四曰禁歎赦案時事篇十九事三曰置上武之官十七曰禁歎赦今此

有缺

秦之滅學也書朽于屋壁義絕于朝野

學聖不至聖可以盡生學壽不至壽可以盡命

君子有三鑒鑒乎前鑒乎人鑒乎鏡

下不鉗口上不塞耳則有所聞矣

思唐虞于上世瞻仲尼于中古乃知小道者足羞也思

伯夷于首陽想四皓于商山乃知穢志者足恥也存張
騫于西極念蘇武于朔方乃知懷安者足鄙也

仲長統昌言十卷

教化以禮義為宗禮義以典籍為本常道行于百世權
宜用于一時高辛已往則聞其人不見其書唐虞夏殷
則見其書不詳其事周氏已來載籍具矣

後嗣愚王見天下莫與之違奔其私情騁其邪欲君臣
宣淫上下同惡目極角觝之觀耳蒙鄭衛之聲入則騁
于婦人而不反出則馳于田弋而不還信任親愛寵貴

后妃命移運去不自知也

建旗伐鼓高峰明候守邊之猛將非中國之良吏和鑿
法駕清道而行便辟揖讓諸夏之威儀非夷狄之有也
董賢之于哀帝無骨肉絲髮之親又不能傳其氣類定
其繼嗣以丈夫宴接之歡自成膠漆也

景帝顯位刺史者皆是官臣子弟猶如豺狼守肉鬼魅

侍疾曰在天之內在人之外

一本曰作口案
此節疑有訛缺

人愛我我愛之人憎我我憎之

天下士有三俗選士而論族姓閥閱一俗交游趨富貴

之門二俗畏服不接于貴尊三俗天下之士有三可賤
慕名而不知實一可賤不敢正是非于富貴二可賤向
盛背衰三可賤

天下學士有三姦焉實不知詳

與佯通

不言一也竊他人

之說以成已說二也受無名者移知者三也

知言而不能行謂之疾此疾雖有天醫莫能治也

同于我者何必可愛異于我者何必可憎知足以立難

成之事能足以圖

案句有缺文

附者不黨疎者不遺

婦人有朝哭良人暮適他士涉歷百庭顏色不愧今公
侯之宮美女數百卿士之家侍妾數十晝則以醇酒淋
其骨髓夜則以房室輸其血氣

人之性有山峙淵渟者患在不通嚴剛貶絕者患在傷
士廣大闊蕩者患在無檢和順恭慎者患在少斷端慤
清潔者患在拘狹辯通有辭者患在多言安舒沈重者
患在後時好古守經者患在不變勇毅果敢者患在險
害

疏濯胸臆深雪腹心使之芬香皓潔白不可污也道德

仁義天性也織之以成其物鍊之以致其精瑩之以發其光

幽間則攻人

除

之所短會同則述人之所長負我者我又

加厚焉

案天中記引此厚焉下有未有與人交者此而見憎者也二句疑我者我又加

信焉難必相恤利必相及

事君不為君所知忠未至也與人交不為人所信義未至也

父母不好學業惡子孫學之可違而學也父母不好士惡子孫友之可違而交也

英辭雨集妙句雲來

愛惡相攻命之自然也愜快以志人情之所欲也

嗽若下泉咽之名曰胎食得道者生六翮于臂長毛羽于腹飛無階之蒼天度無窮之世俗

北方寒而人壽南方暑而人夭如蠶寒而飢則引日多溫而飽則引日少

湯契後秦益後益即華陶子也

典論五卷

魏文帝

堯崩舜避堯于南河之南舜崩禹避舜于陽城禹

崩益避禹子于箕山之陰事見史記

如彼登山乃勤以求高如彼浮海乃勤以求遠惟心弗
勤時亦靡克

應瑒云人生固有仁心答云在親曰孝施物曰仁仁者
有事之實名非無事之虛稱善者道之母羣行之主

序云佞邪穢政愛惡欺俗國有此二事欲不危亡不可
得也

桓靈之際閭寺專命于上布衣積議于下干祿者殫貨
以奉貴要名者傾身以事勢位成乎私門名定乎橫巷

由是戶異議人殊論論無常檢事無定價長愛惡與朋黨

夷吾侈而鮑叔廉此其志不同也張竦潔而陳遵汚此其行不齊也

主與民有三求求其為己勞求其為己死求其為己生法者主之柄吏者民之命法欲簡而明吏欲公而平

詩刺艷妻書誡晨婦司隸馮方女有國色避亂揚州袁術登城見而悅之遂取焉甚寵之諸婦教之曰將軍貴人重其志節宜數涕泣示憂愁也若如此必加重馮氏

後每見術垂泣術果以謂有心益寵之諸婦乃共絞殺
懸之于廁言其哀怨自殺術以其不得志而死厚加殯
殮袁紹妻劉氏甚妬忌紹死未殯劉氏殺其妾五人恐
死者有知復能寵之乃髡頭黑面以毀其容

上洛都尉王琰以功受封其妻泣于內恐琰富貴更取
妻妾

荊州牧劉表跨有南土子弟驕貴以酒器名三爵上者
曰伯雅受七勝中雅受六勝季雅受五勝又設大鍼于
杖端有醉者輒以劍刺之驗其醉醒

人形性同于庶類勞則早斃逸則晚死

余喜彈碁畧盡其巧少嘗作賦昔京師有東方安世張公子嘗恨不得與彼數子對之

太子篇序云余蒙隆寵忝當上嗣憂惶踧踖上疏自陳欲繁辭博稱則父子之間不文也欲畧言直說則喜懼之心不達也里語曰汝無自譽觀汝作家書言其難也

魏子十卷

源靜則流清本正則末茂內修則外理形端則影直天生君子所以治小人天生小人所以奉君子無君子

則無以畜小人無小人則無以養君子

錄人一善則無棄人採材一用則無棄材

人皆易華嶽以謂卑小故登之而摧傷難天以謂高大故不昇而無殃

鼎以希出而世重之釜鑪常用而世輕之

古有弟子病師數往看之師至弟子輒起因勞而致死師非不仁弟子非無禮傷于數也

薄冰當白日聚毛過猛火雖欲遠害其勢不可

蓼蟲在蓼則生在芥則死非蓼仁而芥賊失于本不可

也案藝文類聚太平御覽並作未不可失也

諺曰己是而彼非不當與非爭彼是而已非不當與是爭

君子表不隱裏明暗同度

苦躬一作窮富貴之梯階

仲尼無契券于天下而德著古今善惡明也鏡照醜好而人不怨法明善惡而人不恨

人物志三卷

劉邵案邵旁魏志从力解文从尸

草之精秀者英獸之將羣者雄張良是英韓信是雄英雄

任子十卷

名奕

學所以治己教所以治人

喜能歌舞怒能戰鬥

一人之智不如衆人之愚一目之察不如衆目之明
生于治長于治知世之所以治者君子也生于亂長于
亂知世之所以亂者君子也若不知治亂之所因者凡
民也

道德之懷民猶春陽之柔物履深冰而不寒結木條而
不折

天之圓也不中規地之方也不中矩

山必有阜河必有曲江漢東流必有迴復

直木無陰直士無徒是以賢人直士常不容于世

登泰山見天下之大不察細微者視遠故也處高位知人主之貴不卹卑賤者意滿故也

治己審則可以治人治人審則可以治天下累世一聖是繼踵千里一賢是比肩

水可乾而不可奪濕火可滅而不可奪熱金可柔而不可奪重石可破而不可奪堅

諺云富不學奢而奢貧不學儉而儉人情皆然唯聖人能節之

木氣人勇金氣人剛火氣人強而躁土氣人智而寬水氣人急而賊

神龍不處網罟之水鳳凰不翔罽羅之鄉賢人不入危國智者不輔亂君

蕭何守文法曹參務無苛相繼作相天下獲安

武帝輕人命重武功飾宮室厚賦斂土地益廣德惠彌狹

桓譚云王者易輔伯者難佐

篤論四卷

杜杜篤論四卷，論帝王輔佐之難，伯者難佐，論古今治亂，及人臣之忠，其言切直，不可及也。

水性勝火分之以釜甑則火強而水弱人性勝志分之以利欲則志強而性弱

攷實性行莫過于鄉閭校才選能莫善于對策

陛下謂以今世無良才朝廷乏賢佐豈可追前世之稷

契坐待後來之俊又可能治乎

杜氏始出帝堯在周為唐杜氏漢世有杜周杜欽杜篤
畿字伯侯魏書有傳畿長子理字務仲少而機察故名

此書在
正史
杜氏

曰理少子恕字務伯

恕在河東坐臥恒避父住處恕子預字元凱晉書有傳

體論四卷

杜恕

不動如山難知如陰人有厚德無問小節人有大舉無
訾小故隨侯之珠不能無類

夫人臣猶如土也萬物載焉而不辭其重水漬污焉而
不辭其下草木植焉而不有其功

夫行者榮辱之皁白

君子居必選鄉遊必擇士

至人之治也處國於不傾之地積政於萬全之鄉載德於不止之輿行令於無竭之倉使民於不爭之塗開法於必得之方庶民水也君子舟也水所以載舟亦所以覆舟

恕性疎惰但飽食而已家有書傳頗嘗涉厯父憂行喪在禮多愆孝聲不聞後除中郎又作黃門郎同朝友人問余志余答曰見大臣論議或黨甲苦乙所親或黨乙謗甲所親余處甲乙之間幸無毀譽耳

傅子一百二十卷

此元方所撰其書多論治道及人事之善惡

木大者發越小者敷揚土是人之母也故人有戀土之心

買隣人價貴宅宅可買隣不可得也

冠堯之冠行桀之行亦桀也服桀之服行堯之行亦堯也處市井之肆服君子之服在小人之中行賢哲之事猶夜行佩珠玉也亦灼然矣

蜘蛛作羅蜂之作窠其巧亦妙矣況復人乎
黃金累千不如一賢

人而無廉猶衣服之無殺食味之無酸醎

郭林宗謂仇季智曰子嘗有過否季智曰暮飯牛牛不食搏牛一下

語曰士非璧也談者謂價耳談者之口猶愛憎之心智慧多則引血氣如燈火之於脂膏炷大而明明則膏消炷小而暗暗則膏息息則能長久也

雄聲而雌視者虛偽人也氣急而聲重者敦實人也

蒙恬築長城人不堪苦白骨山積乃有歌曰生男慎勿

舉生女哺用脯不見長城下白骨相撐拄

一作
振柱

作黃金者是方士取草屑合金燒之故草屑燃金落下

太元經十四卷

梁國楊泉字德淵

怒如烈冬喜如溫春

鸞鶴鳳子養牲高峙隱耀深林不食滓穢

內清外濁弊衣裹玉

十里九坎牛馬低昂

天氣左轉星辰右行陰陽運度報返相迎

強梁者亡掘強者折大健者跋大利者缺激氣成風湧

氣成雨濁霧成雪清露成霜

化清經十卷

濁者不信淵之清而甘濯其濁矣

動則虎發靜如鱗潛若彼赫赫若此洋洋

將飛者翼伏將奮者足跼將噬者爪縮將言者口默將

文者且朴

鄒子一卷

欲知其人視其朋友疾藜在田良苗無所措其根佞邪

在朝忠直無所容其身

寡門不入宿臨甑不取塵避嫌也

成敗志三卷

孫毓字仲業釋文毓字休朗北海平昌人晉豫州刺史隋志晉汝南太守

又云長沙太守武帝歲嘗問人有毛詩評左傳注
等書又有七廟詳議見通典此云字仲蓋有脫誤
隋唐志三
卷今佚

水性雖能流不導則不通人性雖能智不教則不達學
猶植也不學將落

密者天地之際會成敗之機要故陰陽不密則寒暑不
能以成歲棟宇不密則九層不可以庇身

古今通論三卷

王嬰

崑崙東南方五千里謂之神州州中有和羹鄉方三千
里五嶽之域帝王之宅聖人所生也

倉頡造書形立謂之文聲具謂之字字者取其孳乳相
生在於竹帛謂之書

中論六卷

徐偉長作
任氏注

倚立而思遠不如速行之必至矯首而徇飛不如修翼
之必獲孤居而願智不如積學之必達

君子不卹年之將暮而憂志之有倦

道之於人甚簡且易不若採金攻玉涉艱難也

路不險則無以知馬之良任不重則無以知人之材

君子相見非但興善將以攻惡惡不廢則善不興

療暑莫如親水救寒莫如重裘止謗莫如修身

善釣者不易淵而殉魚君子不降席而追道

小人恥其面不如子都君子恥其行不如舜禹故小人
貴明鑒君子尚至言

射以平志御以和心書以綴事教以理煩

數誤作教

利口者如激風之至暴雨之集不論是非不識曲直期
于不窮務于必勝

辯者別也言其善分別事類非謂言辭捷給而凌善人
也

聖人蹈機握杼織成天下之化使萬物順焉人倫正焉
登高而建旗則所視者廣順風而奮鐸則所聞者遠非
旌色益明鐸聲遠長所託得地而況富貴施政令乎
良農不患疆場之不修患風雨之不節君子不患道德
之不建而患其時之不至

聖人之世不交遊也周道衰而交遊興古之交也近今
之交也遠古之交也求賢今之交也為名

取士不由鄉黨考行不本閭閻多助者則稱賢才少愛
者則謂不肖

馬必待乘而後致遠醫必待使而後愈疾賢者待用而後興理

唐子十卷

名滂字惠潤生
吳太元二年

舟循川則游速人順路則不迷

大木百尋根積深也滄海萬仞衆流成也淵智達洞累學之功也

君子以道成冠以道成與出門不冠則不敢行行非與則不可步

有父不能孝有兄不能敬而論人父子之義昆弟之節

猶彎弓而自射也

人性苟有一孝則無所不包猶樹根一植百枝生焉

或問齊桓晉文優劣唐子答曰論功則桓兄而文弟論德則文兄而桓弟

大晉應期一舉席卷猶震霆摧枯千鈞壓卵無餘類矣人多患遠見百步而不自知眉頰知眉頰者復不能察百步也

君子守真仗信遭時不容雖有訛辱之恥幽垢之謗猶傷體毛耳

鷹隼羣飛鳳凰遠遊小人咸列君子深藏

諺曰脂粉雖多醜面不加膏澤雖光不可潤草

古人目短于自見故以鏡觀形心短于自治故以禮自

防

君子不以昏行易操不以夜昧

案一本作寤

易容

夫士有高世之名必有負俗之累有絕羣之節必嬰謗
嗤之患白骨擬象魚目似珠遙聽遠望無不亂也

禍福相轉利害相生如循環而運丸耳其兆不可見其
端不可覺

良將如山如淵人不知其感亦不知其歡

將勿離旗鼓師之耳目

暴至之榮智者不居守財不施謂之錢奴

佐闔者傷預事者亡

秦子二卷

欲顯白于雪中馳光于日下不可得也

顏彥先難云有味如醜而不醉人其味如黍飲之則醉

何也秦子曰醉在小人不在君子吾欲錦中而紵表不

欲繡外而麻裏猶論者甯匱于辭不匱于理

今本四十二
卷五
人全三多

遠難知者天近難知者人

因斧以得柯因柯以成用種一粟則千萬之粟滋種一仁則衆行之美備矣

鍼雖小入水則沈毛雖大入水則浮性自然也

梅子一卷

伊尹呂望傳說箕子夷齊柳惠顏淵莊周阮籍易地而居能行所不能行也阮籍孝盡其親忠不忘君明不遺身智不預事愚不亂治自莊周已來命世大賢其惟阮先生乎 按其書晉人也

物理論十六卷

欲定天下而任小人者猶欲捕麀鹿而張兔罝不可得也

忿飈焚衣其損多矣忿爨之熱案太平御覽引物理論作忿爨之未熟夜既而

棄之所亦多矣語意亦通則熟當為熟上增未字推甄而棄之損益多

語曰上不正下參差古者所以不欺其民也割剝富强

以養貧弱何異餓耕牛乘馬而飽吠犬棄干將而礪鉛

刃也

論語聖人之至教王者之大化鄉黨篇則有朝廷之儀

聘享之禮堯曰篇則有禪代之事

夫文彩之在人猶榮華之在草

天地成歲也先春而後秋人君之治也先禮而後刑

救嬰孩之疾而不忍鍼艾更加他物以至死也今除肉

刑危者更衆何異服他藥也肉刑雖斬其足猶能生育

也張倉除肉刑每歲所殺萬計鍾繇復肉刑歲生二千

人也名肉刑者猶鳥獸登俎而作肉

漢太宗除肉刑匹夫之仁也非天下之仁也不忍殘人

之體而忍殺人故曰匹夫

李本名肉刑
者二刑
為一法漢人
有約子姓下

今有弱子當陷大辟問其慈父必乞以肉刑代之苟可
以生易死也有道之君能不以此加百姓乎蛇螫在手
壯夫斷其腕謂其雖斷不死也

曹義曰繫馴駒以絛絆御悍馬以腐索今制民以輕刑
亦如此也

但知管子借耳于天下不知堯借人心而後用其耳目
昔燕趙之間有三男共娶一女生四子後爭訟廷尉延
壽奏云禽獸生子逐母宜以子還母尸三男子市

塞一蟻孔而河決息施一車轄而履乘止立法令者亦

宜舉要

禮云繼父服齊衰傅子曰母捨已父更嫁他人舉已父

甚於兩絕天也

案一本作與己父絕甚于兩夫也注云絕字舊誤在兩字下則是以天為夫字

耳又制服恐非周孔所制亡秦焚書以後俗儒造之

妄進者若卵投石逃誅者若走赴深

暉若春華之並發馥若秋蘭之俱茂

樹上懸瓠非木實也背上被裘非脊毛也此似而非

九日養親一日餓之豈得言孝飽多饑少固非孝乎穀

馬十日一日餓之馬肥不損於義無傷不可同之一日

餓母也

漢末有管秋陽者與弟及伴一人避亂俱行天雨雪糧
絕謂其弟曰今不食伴則三人俱死乃與弟共殺之得
糧達舍後遇赦無罪此人可謂善士乎孔文舉曰管秋
陽愛先人遺體食伴無嫌也荀侍中難曰秋陽貪生殺
生豈不罪邪文舉曰此伴非會友也若管仲啖鮑叔貢
禹食王陽此則不可向所殺者猶鳥獸而能言耳今有
犬齧一狸狸齧一鸚鵡何足怪也昔重耳戀齊女而欲
食狐偃叔敖怒楚師而欲食伍參賢哲之忿猶欲啖人

而况遭窮者乎

見虎一毛不知其斑道家笑儒者之拘儒者嗤道家之放皆不見本也

止響以聲逐影以形姦爭流蕩不知所止也

傅子云孟軻荀卿若在孔門非唯游夏而已乃冉閔之徒也

積薪若山縱火其下火未及燃一杯之水尚可滅也及至火猛風起雖傾河海不能救也秦昭王是積薪而縱火其下始皇燃而方熾二世起風而怒也

秦人視山東之民猶猛虎之睨羣羊何隔憚哉

范蠡字少伯楚三戶人也使越滅吳已後乘輕舟遊五湖王令人寫其狀恒朝禮之列仙傳云徐人也

傅氏之先出自陶唐傳說之後玄字休奕子成字長虞
晉書有傳

楚漢之際有好事者作世本上錄黃帝下逮漢末班固
漢書因父得成遂沒不言彪殊異馬遷也

吾觀班固漢書論國體則飾主闕而抑忠臣敘世教則
貴取容而賤直節述時務則謹辭章而畧事實非良史

漢書卷五
三

也

大孝養志其次養形養志者盡其和養形者不失其敬
割地利己天下讐之推心及物天下歸之以信接人天
下信之不以信接人妻子疑之見疑妻子難以事君君
子修身居位非利名也在乎仁義
人皆知滌其器莫知洗其心

君子審其宗而後學明其道而後行

傅子曰學以道達榮不以位顯或云立衡以善詩至宰

相張禹以善論作帝師豈非儒學之榮乎

墨子兼愛是廢親也短喪是忘憂也

伊尹耕於有莘孰知非夏之野人呂尚釣於渭濱孰知非殷之漁者遇湯文武然後知其非也

面岐路者有行迷之慮仰高山者有飛天之志或乘馬或乘車而俱至秦者所謂形異而實同也

若謂黃帝後方有舟楫庖羲之時長江大河何所用之經巨海者終年不見其涯測虞淵者終世不知其底故近者不可以度遠也

漢世賤輶車而今貴之

青與赤謂之文赤與白謂之章白與黑謂之黼黑與青謂之黻五彩謂之繡

始皇塚令匠人作機弩有人穿者即射之以人魚膏作燭

逐兔之犬終朝尋兔不失其迹雖見麋鹿不暇顧也

漢高祖度閭而網疎故後世推誠而簡直光武教一而網密故後世守常而禮義魏武亂亂以尚猛天下修法而貴理

形之正不求影之直而影自直聲之平不求響之和而

響自和德之崇不求名之遠而名自遠

西國胡言蘇合香是獸便中國獸便而臭忽聞西極獸便而香則不信矣

必得崑山之玉而後寶則荆璞無夜光之美必須南國之珠而後珍則隨侯無明月之稱

始皇遠遊並海而不免平臺之變及葬驪山尋見發掘今有鉛錫之鋌雖歐冶百鍊猶不如瓦刀有鴛鴦之馬雖造父駕之終不及飛兔絕景質鈍故也土不可作鐵而可以作瓦

相者曰三亭九候定于一尺之面愚智勇怯形于一寸之目天倉金匱以別貧富貴賤

光武鳳翔于南陽燕雀化作鷄鶩二漢之臣煥爛如三辰之附長天長平之卒磊落如秋草之中繁霜勢使然也

長人數丈身橫九畝兩頭異頸四臂共骨老人生角男女變化何益於賢愚耶

豈有太一之君坐於庶人之座魁罡之神存於匹婦之室

傅子曰諸葛亮誠一時之異人也治國有分御軍有法積功興業事得其機入無遺刃出有餘糧知蜀本弱而危故持重以鎮之若姜維欲速立其功勇而無決也

馬先生綾機先生名鈞字衡天下之名巧也綾機本五十綜五十簞六十綜六十簞先生乃易十二簞奇文異

變因感而作自能成陰陽無窮也

案一作猶自然成形陰陽無窮也

指南車見周官亦見鬼谷子先生作

給事中與高堂隆秦朗爭指南車二子云古無此車記虛言耳先生曰爭虛空言不如試之效也言於明帝明

帝詔使作之車乃成

翻車先生居在京師城內有地作園而患無水可溉乃作翻車令童兒轉之其功百倍

辯上下者莫正乎位興國家者莫貴乎人統內外者莫齊乎分宣德教者莫明乎學秉綱而目自張執本而末自從善賞者賞一善而天下之善皆勸善罰者罰一惡而天下之惡皆除矣

世質則官少時文則吏多有虞氏官五十夏后官一百殷有二百周有三百

國典之墜猶位喪也位之不建名理廢也

以譽取人則權勢移於下而朋黨之交用以功進士則有德者未必授而凡下之人或見任也

君子內洗其心以虛受人外設法度立不易方今人稱古多賢患世無人退不三思坐語一世豈不惑邪

人之性如水焉置之圓則圓置之方則方澄之則淳而清動之則流而濁先王知中流之易擾亂故隨而教之謂其偏好者故立一定之法

龍舟整楫王良不能執也驥騶齊行越人不敢御也各

有所能

構大厦者先擇匠而後簡材治國家者先擇佐而後定
民

人之學如渴而飲河海大飲則大盈小飲則小盈大觀
則大見小觀則小見

金以利用錢以輕流此二物飢不可食

入粟補吏是賣官也罪人以贖是縱惡也

世富錢流則禁盜鑄錢世貧錢滯則禁盜壞錢

天下之害莫害於女飾一頭之飾盈千金之價婢妾之

服亦重四海之珍

公卿大夫刻石作碑鐫石作虎碑虎崇偽陳於三衢妨
功喪德異端並起撞亡秦之鍾作鄭衛之樂欲以興治
豈不難哉

賞不避疎賤罰不避親貴貴有常名而賤不得冒尊有
定位而卑不敢逾經之以道德緯之以仁義織之以禮
法既成而後用之謂有孝廉秀才之貢或千里望風承
聲而舉故任實者漸消積虛者日長

聞一善言見一善事行之唯恐不及聞一惡言見一惡

事遠之唯恐不速

懸千金於市市人不敢取者分定也委一錢於路童兒爭之者分未定也

三皇貴道而尚德五帝先仁而後義三王先義而後辭鴻毛一羽在水而沒者無勢也黃金萬鈞在舟而浮者託舟之勢也

擬金人銘作口銘曰神以感通心由口宣福生有兆禍來有端情莫多妄口莫多言蟻孔潰河溜川傾山病從口入患自口出存亡之機開闔之術口與心謀安危之

源樞機之發榮辱隨焉

夫有公心必有公道愛己者不能不愛憎己者不能不憎民富則安鄉重家敬上而從教貧則危鄉輕家相聚而犯上飢寒切身而不行非者寡矣

我欲戰而彼不欲戰者我鼓而進之若山崩河溢當其衝者摧值其鋒者破所謂疾雷不暇掩耳則又誰禦之吳起吮瘡者之膿積恩以感下也史記云吳起吮癰晝戰目相見夜戰耳相聞得利同勢失利相救

陸田者命懸於天人力雖修水旱不時則一年之功棄

矣水田制之由人人力苟修則地利可盡

傅子曰聖人之道如天地諸子之異如四時四時相反
天地合而通焉

人之涉也譬如奕棊苟不盡道誰無死地但不幸耳

此海昌周耕厓先生廣業校本也書名下詳注撰人

姓氏爵里及著書大略其書今存者逐條備注篇

名取便覆檢後附逸文五條嘉興李君金澗通孫

鈔自先生門人查康齋余從李君借校惜第三卷

全缺第二卷缺六十條第五卷缺一百一十一條李君

即取聚珍本補之聞先生哲詞紀君熟常能守
極書必有全本吳日當假以補錄其第六卷登第
二卷鶻冠子二條王孫子一條李君從家選樓先生
借鈔選樓照宋本補耕厓先生未之見也選樓有
意林英刺取古籍中所引諸子之逸者補馬氏所
未備稿藏橫河許氏燬于火遂不傳道光戊子
八月七日遠孫校意林畢并識卷尾

意林卷五

意林逸文

鵲冠子云扁鵲兄弟三人並醫魏文侯問孰最善
扁鵲云長兄神眎故名不聞家仲兄神毫毛故名
不出門臣針人血脈投人毒藥故名聞諸侯世賢

錦繡萬花谷後集
盤類注云出意林

神農稽首再拜問于太一小子曰鑿井而出泉五
味煎煮口別生熟後乃含咀男女異利子識其父
曾聞上古之時人壽過百無殂落之咎獨何氣之
使耶太一小子曰天有九門中道最良日月行之

名國皇字人老老人出現其方長生長生死眾曜

同光神農從其嘗藥以致人命注路史後紀炎帝紀

袁准正書太歲在酉乞滌得酒太歲在己販妻鬻

子則知災禱祥有自然之理總施元之注蘇詩引馬

叔款作期思陂而荆土用贍天中記陂類引意林

蘭以芳致燒膏以肥見燭翠以羽殃身蚌以珠破

腹女惡蛾眉士惡勝己由來尚矣天中記蘭類引

古計五條皆今本所闕者路史注一則尤為古

奧惜羅氏失記書名不知僕射從何錄出也意

林在明世已非完帙故天中記所載率與廖本
相同而亦有兩條絕異者此必別有依據自惟
固陋不能博考先就所見集之片甲亦虬龍片甲鳳
凰之一毛也俟該學者重為增益焉

馬總意林闕目敘

唐馬總因梁庾仲容子鈔作意林其列名及戴叔倫序稱總字元會唐書本傳作會元誤也總歷任方鎮終戶部尚書贈右僕射見本傳成書時官大理評事見戴序陳振孫以為總後仕至大理評事誤也戴序作于貞元二年云裁成三軸明年柳伯存序云六卷又云其本且日編錄所取先務于經濟次存作者之意蓋初稿甚略旋增廣之唐志作一卷一蓋六之誤宋時著錄作三卷其初稿本乎抑合并之乎今世流

傳以道藏五卷本為稍舊惜殘闕不完以目錄校之
卷二莊子後有鶡冠子王孫子今本鶡冠子全闕而
所載王孫子皆莊子雜篇也卷三說苑後有新序今
本新序全闕卷五次序與目錄俱到不符又中論傳
子物理論三家文皆彙越以物理論為傅子以傅子
為中論以傅子中論為物理論有數十條皆錯者有
半句在此半句在彼者蓋由所據本破爛零落隨手
黏聯勻分五卷實則原書六卷今本不足四卷也以
高似孫子略校之王逸正部後當有牟子一家末卷

當有蔣濟萬機論至筆墨法三十七家今僅存原書
十分之六耳總所見諸子亡者大半斷圭殘璧足供
攷訂之資因據家本莊子中論及各書所引物理論
傳子移歸原所并補目錄之闕別為一卷附道藏本
後其餘謄脫尚多讀者自能互證得之嘉慶乙亥歲
季冬月烏程嚴可均

意林闕目

卷之二

鶡冠子三卷

在莊子後
錄無子書

王孫子一卷在鶡冠子雜篇非王孫子也

卷之三

新序三十卷在說苑後

卷之四

牟子一卷有融之錄在王逸正部十卷後

卷之五

傅子一百二十卷 唐子十卷

秦子二卷 梅子一卷

物理論十六卷 太元經十四卷

化清經十卷

鄒子一卷

成敗志三卷

古今通論三卷

中論六卷

紀上十一家
有錄有書
而書與錄
次

五相
為一
卷附
道今
歲皆
本校
正別

卷之六

蔣濟萬機論八卷

譙周法訓八卷

譙周五教志五卷

顧譚新語二卷
按隋志
十二卷

舊新唐志
此當有誤五卷

鍾會芻蕘論五卷

陸景典語十卷

張儼默記三卷



王孫子一卷載在鶡冠子莊子雜篇非王孫子也

卷之三

新序三十卷有在說苑後

卷之四

牟子一卷有在錄在王選正部十卷後

卷之五

傅子一百二十卷、唐子十卷

秦子二卷、梅子一卷

物理論十六卷、太元經十四卷

化清經十卷

鄒子一卷

成敗志三卷

古今通論三卷

中論六卷

記上十一家
有錄有書
而書與錄
次

五相
為一卷
附越今
道皆本校
藏本後
正別

卷之六

蔣濟萬機論八卷

譙周法訓八卷

譙周五教志五卷

顧譚新語二卷

按隋志
十二卷

此舊
當新唐
志有誤
五卷

鍾會芻蕘論五卷

陸景典語十卷

陸景
作論

張儼默記三卷

裴玄新言五卷

袁準正書二十五卷

袁準正論二十卷

蘇子八卷 蘇彥

桓範世要論十卷

上海字

陸子十卷 陸雲

夏侯湛新論十卷

張顯析言十卷 析

虞喜志林二十四卷

顧子十卷 顧爽

諸葛子一卷

諸葛恪按 隋志五卷

陳子要言十四卷

符子十一卷 符朗 子

神農本草經六卷

吳普本草經六卷 普

相牛經一卷

相馬經二卷

相鶴經一卷

周髀三卷

司馬兵法三卷

孫子兵法三卷

黃石公記三卷
吐下

汜勝之書二卷

夢書十五卷

貝書十卷

淮南萬畢術一卷

九章算術三卷

張華博物志十卷

戴凱之竹譜一卷

筆墨法

論已上三十七家高似孫子略有之在中
後按庾仲容子鈔一百十七家

其一本非高似孫所得見蓋尚見意林完書耳
略一百九家知意林亦然今從子略于卷四補

年子一家于卷六補三十七
家而意林目錄始全



意林卷六 照宋刻全本補

萬機論八卷 蔣濟

甲作乙婦丙來殺乙而甲不知後甲遂嫁與丙作妻生二子丙乃語甲甲因丙醉殺之並害二子於義綱剛烈則寬死否參者云女子潔行專一不以鼓刀稱義今又改嫁已絕先夫之恩親害胞胎又無慈母之道也

法訓八卷 名用

公人好人之公 私人好人之私

念己之短好人之長近仁也

有財不濟交非有財也有位不舉能非有位也
相憎者能生無辜之毀相愛者能飾無實之譽
君子好聞過而無過小人惡聞過而有過

新言 吳太常顧諱字默造

刑者小人之防禮者君子之稔佞人之入雖燃膏
莫見其清也

鍾子為堯五卷 士季

珪玉棄于糞土鉛錫列于和肆觀者以鉛錫是真

圭璧是偽膠之與漆合而不離烟之與水離而不
合

典語十卷 陸景

榮辱所以化君子賞罰所以禦小人受金行穢非
貞士之操背主事讐非忠臣之節唯高帝用陳平
齊桓用管仲耳

拘烏獲之手雖鎚銖不能勝掩離婁之目雖崇岱
不能睹絆駮驥之足雖跬步不能發斷鴻鵠之翮
雖尋常不能奮

默記三卷 吳大鴻臚張徽字子節

堯舜不能化朱均使為善瞽瞍不能染重華使行

惡

新言五卷 裴子

鷲鳥之擊必俛其首猛獸之攫必匿其爪虎豹不
外其牙噬犬不見其齒故用兵者示之以柔迎之
以剛見之以弱乘之以強

正書二十五卷 袁準

交接廣而信衰於友爵祿厚而忠原於君

烏為之卵不致
則鳳凰至誹謗
之言不誅則忠
言達十里之役以
蟻蟻之穴漏百
村之屋以突隙之
煙然

曾子妻將適市兒隨啼謂兒曰吾還與汝殺犬妻
還曾子援弓將射犬妻曰向與兒戲乎曾子曰教
化始于童昏若之何其以訓耶

正論十九卷 袁 字耀卿

鷓抱鼠而仰號恐鷓鷃之奪己

蘇子十八卷 名溜衛人也

蘭以芳致燒膏以肥見燭翠以羽殃身蚌以珠碎
腹女惡蛾眉士惡多口由來尚矣周之管蔡秦之
趙高其惡何比吾欲比之狗馬狗馬能致遠伏狩

吾欲比之虎豹虎豹則君子愛其文章吾欲比之
蝮蛇蝮蛇則療偏枯之疾吾欲比之鳩鳥鳩鳥又
能去公子牙而安魯國惟有青蠅蒼鼠覆國殘家
可比

世要十卷

桓範字元則魏大司農

加脂粉則媠母進蒙不潔則西施屏今學亦如此
學之脂粉亦厚矣

伐一樹除一苗猶先看可伐而除之况害人而不
詳審也

遇不遇命也善不善人也君子能修善而未必遇
小人不能修善未必不遇

中才之人知隨年長事以學增故年長則知廣疑缺
二字
則見博

陸子十卷 名雲字士龍晉人

水則有波釣則有磨我入使之無如之何物動而
聲已將形而行迹以絲在木而音和絲在繡而服
美神觸物而機駭情遭變而思易

新論十卷 夏侯湛字孝若晉散騎常侍

爪生于肉去爪而肉不知髮生于皮去髮而皮不知萬物之在天地同爪髮之在身體皆統于神明不可亂也擇才而官之則明主不出不肖之臣擇主而事之則君子不事昏闇之主

析言十卷

張顛

被仁義作府庫食道德作梨棗古人有言君不稽古無以承天臣不稽古無以事君始皇李斯是已

幽求子二十卷

杜夸字

晉國子祭酒

凡人既飽而后輕食既煖而後輕衣服臨觴念感

則旨酒失甘對饗思哀則嘉餼易味

裹以嚴霜見愛葛以當暑見親

玉以石辨白以黑昭故好醜相招

從山林猶朝廷猶飛鴻之與雞鶩

獵者嗜肉不多于獵者及其凌崗巒超溪壑而育
遺身之志耳

干子十卷 名寶字令升

執杓而飲河者不過滿腹弃室而洒雨者不過濡
身勢弱于己則虎步而凌之勢強于己則獵行而

事之此姦雄之才也亦且小人

新論十卷 華譯字令恩仕晉

夫經道者聖神 干雲之枝不育于邱垤之巔徑寸之珠不產于淳

者皆體道深 汙之渚

之病故寂然不動 志林二十四卷 唐達

而萬物為其用也 東海之魚墜一鱗崑崙之木棄一葉世人皆能知

我道 之

孫子十二卷 名緝字興公仕晉

教之治性猶藥之治病疾若倒懸而求藥于崑崙

之山是身後也

大光明乎天燈燭何施矣時雨濡乎地溉灌何用
焉朱門之家鬼守其闕多藏之室人窺其牆

義記十卷名矣

衣煖而忘百姓之寒食美而忘百姓之飢非人也
假天下之目以視則四海毫末可見借六合之耳
以聽則八表之音可聞

國無道而尸大位可恥也國有道而有抱關擊柝
亦恥也

遊女見人悅之則自謂逾于西施桀紂見人尊之則自謂過於禹湯

登高使人意遠臨深使人志清

諸葛子一卷

縱盜飲酒非翦惡之法絕纓加賜非防邪之萌

御覽八百三十七百穀部陳子要言作

要言十四卷

又惑也

食穀而鄙田衣帛而笑蠶豈不惑耶

符子二十卷 名朗

水生于石未有居山而溺者火生于木未有抱木

而焦者

神農本草六卷

稽首再拜問于太一小子曰自鑿井出泉五味煎
煮口別生熟後乃食咀男女異利子識其父曾聞
太古之時人壽過百無殂落之咎獨何氣使然耶
太一小子曰天有九門中門最良日月行之名曰
園皇字曰老人出見南方長生不死衆曜同光神
農乃從而嘗藥以救人命

相牛經一卷 寧威

相馬經二卷 伯樂

相鶴經一卷 淳邛公

司馬兵法三卷 穰苴

國雖大戰必亡天下雖平天下亦危古者國容不入軍軍容不入國國容入軍則軍亂軍容入國則國亂順命上賞犯令上戮

孫子兵法十卷 名武

黃石公記三卷

與衆好生者靡不成與衆同惡者靡不傾四民用

虛國家無儲四民用足國家安樂

汜勝之書二卷

相貝經一卷琴高

淮南萬畢術一卷

首澤浮針取頭中垢塞針孔置水中則浮燒角入

山則虎豹自遠惡其息也

取大鏡高懸置水盆于其下則見四鄰矣取沸湯

置瓮中密以新縑沈中三日成冰取鴻毛縑囊貯

之可以渡江不溺

查查浦新問云

意林引相貝經

不著作者請初

學記始知為啟助

作

馬好噙人取燿蠶塗其上唇即差
取門冬赤黍漬以狐血陰乾之欲飲酒者取一丸
置舌下以含之令人不醉

博物志十一卷 張華字茂先

竹譜一卷 戴凱之

筆墨法一卷 韋仲將

筆用羊青作心名曰羊柱以兔毫衣羊青使中心
高並去其穢毛使毛不髴茹也

新序三十卷

五教五卷 譙周

周髀一卷

夢書十卷

九章算術十卷

嘉慶辛未又三月假汪選樓抄本錄於澄江試院

卷二補二家本有目無文卷六全補共四十二家內有目無文十三家勤圃先生所採逸文畧見于此惟袁準正書太歲在酉一條此轉失去大都宋本亦不全矣此從選樓抄得成完璧實為可寶惜周先生未見也嘉慶丙子四月金澗又識